

# Табасарандин сес



Табасаран райондин  
жямьяьтлугьдинна - политикайин газат



Голос  
Табасарана

№ 5 (1048) Жвуми, 4-пи февраль, 2022-пи йис (2001-пи йисан 5-пи майдианмина удубч 1вур)

## Туризмийин месэлийир гьял гьаплу

29-пи январь Табасаран райондиз, Кьибла Дагьустандиь информацияйин турин рамкйириьди, республикайин туризмийин компаниярин вакиларин ахью делегация гьяфну. Думу тур клули гьабхбан жягьтлувал Табасаран райондин администрацияйи улупну. Метлеб туризмийин индустрияйин гьуллугьар туврай фирмийир райондин ругарин думу терефнаан гьабхурайи ляхнин шараитарихьди таниш аплуб вуйи.

Райондиз гьяфи дестейин клули айи Зульфья Кьурбановайи кьайд гьаплуки, Табасаран райондин ругарин туризмийин экскурсийир тешкил аплбаан чпин ляхин яркью аплуз ккуни республикайин 18 туризмийин фирмийири марагьтувал улупну.

Мялум вуйиганси, ковиддихьди ва дидихьди



вуйи кьадагьаваларихьди аьлакьалуди, ихь уьлкейиь айтлан туризм за гьабхьну. Хьа думу, мялум вуйиганси, экономикайиз цийи гьазанжар, хайлин агьалйириз ляхин ву. Ккудубшу йисан

Дагьустандиз миллионган артухь туристар гьяфну. Хьа думу цифра, Кьибла Дагьустандин мумкинвалар ишлетмиш аплури, хьана за аплуз шулу. Думу терефнаан Табасаран райондиь

ужудар шараитар а.

Туроператорарин гафариинди, туризмийин мумкинвалар бегьемди ишлетмиш аплбан бадали, хайлин месэлийир гьял аплу ккунду: туризмийин объектарихьна

рякьяр духьну, отелар ва хьларин хулар ади, халкьдин сяняьтариан мастер-классар гьахури, хураг кьабул аплуз йишвар ва, асасуб, тарихдинна-табияьтдин ужудар йишвар ади ккунду.

Республикайин туризмийин компаниярин делегацияйин вакилар 56-57 нумрайин фортдиз, яни «Дагь-барыйин» кьурулушдиз, гьацара «Ургур чвучвунна сар чуччун» гьалайиз, Хьангьарин (Хьучнаарин) рибчрайиз ва дидин багарихь ерлешмиш духьнайи заведенйириз, Гьулли гьулан багахь ерлешмиш дубхьнайи гаклвлин гьядуз ва жара объектариз лигуз гьушну. Дурар гьацара хьлар кьабул аплу ва юкль уддубчуру комплексариь айи шараитарихьди таниш гьахьну, хьа багьри юрд аьгью аплбан музейиь дучу (Аьхир 7-пи машнаь)

## Вакцинацияйи ихь уьмур аьдати кьайдайиь тлапди

«Мялум вуйиганси, уьлкейиь, гьадму гьисабнаан республикайиьра, COVID-19-дихьди аьлакьалу эпидемиологияйин гьял читинуб ву. Думу гьял гьаракатниинди вари доньйиь тарабгьурайи «омикрон» штаммди хьана гьызгьин аплура. «Омикрон» цийи ашкар гьаплу штамм ву. Думу, ковиддин «дельта» штаммси дарди, жикьи вахтна ашкар шулу ва тарабгьуз хьубгьру. Дидин инкубацияйин вахт сад-шубуд йигь ву. - гьапнийи ич гьорюшмишдиь ЦРБ-ийн ковид-госпиталин заведующий Ражаб Гьясанбеговди. -Агьалйири кьаьлан гьаплу ккундар: вирус, уьгьйир, инчийр гьаплиган, гьавайкиди, аьзарлуийрин хил кубкью шейэрикиди тарабгьуру. Дициб аьгьвалагдиь жвуу ва жвуван гьвалахь хьайидар думу кубчлвбахьан уьрхбан Роспотребнадзорин тлабар дикьатнаан тамам аплу ккунду. Хьа варитлан асасуб – му вакцинация ву. Вакцинация гьаплу агьалйир ишчу шулдар клуру заминвал адар, - давам гьаплнийи Ражаб Гьясанбеговди. – Анжах дици-

стар агьалйир гьагьи гьялнинди ваь, хьа пчлуди ишчу ва ухди сагь шулу.

«Омикрон» штаммдикан улхури, дугьу кьайд гьаплуки, вакцинация думу штаммдихьди женг гьабхбаьра файдалу ву.

Гьаму вахтна райондин ЦРБ-ийи 15 кас внебольничний пневмонияйихьди, 3 кас коронавирусдин инфекцияйихьди ишчурайидар сагь аплурача. Ковиддихьди аьлакьалу гьял райондиь гьелелиг дурумлуб ву, аьхиримжи вахтна думу уьзриан ишчурайидарин кьадар дицикьан артухь шуладар. Дици хьувал райондиь вакцинацияйин ляхин жанлу дапнайивалин натижа вуди гьисаб аплураза, - гьапнийи Ражаб Гьясанбеговди. – Коллектив иммунитет хьпан бадали, ихь райондиь 29181 касди вакцинация аплуб улупнаш, гьаму вахтназ думу ляхин секи кьад агьзурихьна касди дапна. Му улупнайибдикан 67 процентган зина ву. – Амма му улупбар гьелелиг цибди ву. Коллектив иммунитет хьпан ва ихь уьмур чан аьдати кьайдайиь убчлвбан



бадали, 80 процентган циб дарди агьалйири вакцинация дапну ккунду. Коронавирус фициб читин уьзур вуш, диди инсандин сагьвализ фициб тьасир аплуруш, узуз йиз ляхниь гьаригьан рякььюразуз. Интернетдиь жюрбежур сай-

тариь вакцинация инсандиз хаглалу ву, думу мапланай, клури, дих аплурайидарихь асла хьугьну ккундар. Дурар кучлар ву ва ихь хайир ккунди клури айидар дар. Хьанара текрар аплуз ккундузуз: коллектив иммунитет хьпан ва ихь уьмур чан аьдати кьайдайиь убчлвбан бадали, агьалйири вакцинация дапну ккунду. Вакцинацияйикан клул ккадабгьну ккундар, - гьапнийи Ражаб Гьясанбеговди ич гьорюшмишдин аьхирь.

Аьбдулмажид  
РАШИДОВ.

Шиклий: Табасаран ЦРБ-ийн ковид-госпиталин заведующий Ражаб Гьясанбегов.

## «Блокадайин уьл» акция клули гьубшну

Мялум вуйиганси, 27-пи январь ихь уьлкейиь Вариурсаддин ядигарвалин «Блокадайин уьл» акция клули гьубшну. Дициб акция 27-пи январь Табасаран райондиьра тешкил гьаплнийи. Думу серенжем гьабхбаь райондин МФМЦ, райондин культурайин, спортдин ва туризмийин Управление, «Гьалибвалин волонтерар» иштирак гьахьну. Акция гьабхбан метлеб – му фашист чапхунчийрин инсафсузваларикан, вягьшиваларикан, блокадайиь айи ленинградлуийрин гьунарарикан ва дирбашваларикан ахью шулайи наслиз, жигьлариз ктибтуб ву. «Блокадайин уьл» акцияйин асаслишан 125 грамм гьагьнан уьлин члук вуйи – гьациб нормайиинди Ленинграддин блокадайин читин вахтари гьарсар агьалийин клулихь уьл туври гьахьну.

(Аьхир 8-пи машнаь)

# Коронавирусыдиз - ваъ!

## РФ-ийн Минздравдин памяткайиан ясана коронавирус ачухъ лишнар адарди, пчлуди гьябгьруган, гьап1ну ккундуш

РФ-ийн Минздравди ватандашариз ачухъ лишнар адарди ясана пчлуди гьябгьруган коронавирус кубч1ву дюшошари чпи фици духну ккундуш ктибтурайи памятка адабгьну. Документди теклифар шубуб жюрейиз жара дап1на: вакцинация дап1найдариз ва коронавирус кубч1вну ужу гьяхьдариз, думу кубч1вбан хат1а адрудариз; думу кубч1вбан хат1а айндариз; вакцинация дарап1дариз ва коронавирусди ищру дархьдариз. Думут1анна савайи, памяткайиь коронавирussyди биц1р ищру гьяхьш гьап1ну ккундуш, дупна.

ПЦР- тест адарди, вакцинация дап1найдарин ясана улихьна думу узрихьди ищру гьяхьдарин, 60 йис дархьдарин, хронический узрар кадрдарин, бедендин гьягьшин кьадарт1ан артухъ дарударин ОРВИ-ийн лишнар ашкар гьяхьш, гьарйиган шубуб ражарит1ан ц1иб дарди температура ебцу ккунду. Думут1анна савайи, гьарйиган кьуб ражари пульсоксиметрийхьди ифис кислородхьди тямин вуйвалин дережа абгью дап1ну ккунду, теклиф ап1ура Минздравди.

Эгер температура 38 градусхьна вадидлан зина удубч1вуруш, думу ис ап1ру дармнар ишлетмиш дап1ну ккунду. Эгер, дармнар ит1урушра, абхю температура кьуб суткайидан зина гьубзнуш, медратникдихьди манзилнаь вуйи консультация гьадабгьбан бадали, поликлиникайин колл-центриз ясана сабуви гьуллугьнан номеринди зенг ап1ну ккунду. Эгер гьава хьтабгьуз читинди, мухрин кьулик йишв ищруи ва сатурацияйин дережа 94-95 процент вуш, гьацира ил хьтабгьуб гьелек гьябхьнуш, тяди кюмекназ дих дап1ну ккунду, мялум ап1ура памяткайиь.

Коронавирус кубч1вбан кьурхулудвал айи дестейиз дахил шулайи, амма вакцинация дап1найи ясана улихьна думу узриан

ищру гьяхьдарин, ачухъ лишнар адарди думу узур гьябгьруган, сагъ ап1бан теклифар медратникдихьди гьадагьуру. Дурарира, коронавирussyди ищру хьпан кьурху адру ксарира, температура, сатурацияра, ерцури, убхьбан режим убхьюри, лазим вуш, вирусдиз кьаршу дармнар ишлетмиш ап1ури, хьа хьохьяр ац1ри гьяхьш – кьиларин растворар ишлетмиш ап1ури духьну ккунду. Угьгийр хьархьш, хьохьяр кьяши шули гьяхьш, гьухар ищру гьяхьш, температура за гьябхьш, медратникдихьди консультация гьадабгьбан бадали, поликлиникайин колл-центриз ясана сабуви номеринди зенг дап1ну ккунду. Эгер хьтабгьурайи гьава гьудрубч1русиди гьябхьш ва сатурация ис абхьш, тяди кюмекназ зенг дап1ну ккунду.

Ковидиз кьаршу вакцинация дарап1у ва улихьна думу узрихьди ищру дархь ватандашарин думу узрин лишнар ашкар гьяхьш ясана тест положительный гьябхьш, дурарира, медратникдин консультация гьадабгьбан бадали, поликлиникайи ясана сабуви номериз зенг дап1ну ккунду. Хул'ан удуч1вну ккундар. Хьа гьялар ч1ур шули гьяхьш, тяди кюмекназ зенг дап1ну ккунду.

Коронавирussyдин инфекцийихьди биц1р ищру гьяхьш ясана дугьан ОРВИ-ийн лишнар ашкар гьяхьш, думу хулаь гьузну ккунду. Сагъ ап1бан кьайда духтри тьийн ап1уру. Гьял ч1ур шлуси гьябхьш, тяди кюмекназ дих дап1ну ккунду.

«Жвуу жвуу сагъ ап1бин гьичра машгул махьанай. Биц1р антибиотикарихьди сагъ ап1уз чалашмиш махьанай. Антибиотикар анжах духтур-педиатри тьийн дап1ну ккунду», - кьайд ап1ура Минздравди.

(СМИ-ийан).

## Коронавирussyдин улихьшв бисбан ульчйирикан

Коронавирussyдин уьрхбан бадали, гьарсар касди гьамцдар ульчйир тамам ап1ну ккунду:

1. Машнак хил кучри ккундар. Алимари гьисаб гьап1нуки, кьялан гьисабниинди гьарсар касди чан хилар машнак саб сьаьтди 25 ражари курк1ру. Думу хилар жюрбежюр шейэрикра кучру, мумкин ву думу шейэрик вирус кади хьуз. Хьохьниан, ушвниан ва улариан кьяшишнакди вирус бедендиз гьябгьюру. Дициб сьагьниинди абзарлуийрин гьац1 пай ищру гьяхьну.

2. Кми-кмиди хилар жик1ну ккунду. Думу ляхин COVID – 19 –дин улихьшв бисбаь варит1ан эгьемиятлуб вуди гьисаб ап1ура. Хилар жик1увал 40-60 секундикьан давам дубхьну ккунду. Пишекрари шми сьабун ишлетмиш ап1уб теклиф ап1ура. Ижми сьабнин зиин вирусар гьузун мумкин ву. Жьамьаьтлугъ йишвахь хилар жик1ури гьяхьш, дурар жик1бан кьяляхь кран хилар марцц гьап1у тасмилхьди хьабкьну ккунду.

3. Антисептикар ишлетмиш ап1уб. Хилар антисептикдихьди 20-30 секундди тартиб дап1ну ккунду. Антисептикар масу гьадагьруган, дурарин составдиз фикир тувну ккунду. Теклиф ап1урайи концентрацияй гьамцдар ву: 80 процент этанол, 1,45 процент глицерин, 0,125 процент водороддин перекись.

4. Инчйир, угьгийр ап1руган, ушв ва хьохь салфеткайихьди ясана хлурчихьди илиркну ккунду. Гьяц1ли хилар ишлетмиш ап1ну ккундар. Гьаз гьапиш, дурар машнак ва жара шейэрик кучру ва, гьаци, вирус хьана артухьди тарабгьуру.

5. Маска ишлетмиш ап1ну ккунду. Маска улубк1ган, дидинна машнан арайиь ачухъ йишвар гьузну ккундар. Маска кми-кмиди – гьарсаб кьуб-шубуб сьаьтдик - гьюдюхну ккунду.

6. Жара ксарихьди аьлакьйир ц1иб ап1ну ккунду. Шлубкьан жаради гьузувал (самоизоляция) уьхну ккунду. Пишекрари туврайи насигьатариз асас, жара инсанарихьан саб метрт1ан ц1иб дарди манзил уьхну ккунду. Хилар дисуваликан, хабар алдагьуваликан думу вахтна гьархну ккунду. Коронавирussyдин уьрхбан варит1ан ужуб сьагь-му хулаь самоизоляцияйиь гьузуб ву.

7. Хулаь айи гьава дигиш ап1ури духьну ккунду. Хулазди марцци гьава гьювали вирусдин гьагьшин ц1иб ап1уру.

(Махлукьатлу хабарин дакьатаринан  
гьязур гьап1ур Аь. РАШИДОВ.)

## Гьелелиг вирусар дерккуз шуладар...

Коронавирус – му узур 2019 -пи йисан саби ражари Китай улькейиь ачмиш гьябхьну. Гьамус думу дюн'я вуйибси тарабгьна. Дюн'яйиь думу узур кубч1внайидарин кьадар миллионариинна удубч1вна. Думу узриан гьийихдарин кьадарра ц1иб дар. Сагъ гьяхьдарра, карантиндиь айидарра а.

Ав, статистикайин улупбарин мялум шулайиганси, думу узри гьам инсанариз, гьамсана вари улькйириз абхю зарал тувра. Эпидемиологари к1ули гьуху ахтармиш валариан субут шулайиганси, думу узур эпидемиология жигьатнаан ужудар шарайтар адру улькйириз тяди ачмиш ва думу улькйириз гьушу инсанари чиб – чпикна тарабгьувал гьисаб шула. Ухьуз мялум вуйиганси, улихьдиси дарди, абхиримжи вахтари жара улькйириз экскурсияйиз, рягьгьвал йивуз, яшамш хьуз гьагьругадарин кьадар хайлинси артухъ дубхьна. Пишекрари кьайд ап1урайиганси, гьаци вуйиган, агьалийр гизаф минди – тинди гьагьбахь, думу вирус яркьуди тарабгьиди. Дици вуйивализ лигну, ги-

заф агьалийр сабишв'инна уч шлу серенжмар к1ули дурухуз, маскйир, элжгар улурк1уз т1алаб ап1урашра, гьайифки, абхюну пай инсанари думу т1алабар хьайи – хьайибси тамам ап1урадар. Натийайиь узур кубч1врударин, думу узриан кечмиш шлударин кьадар йигьлан – йигьаз артухъ шула. Думу узур тарабгьбан хат1а айивализ лигну, улькейин идара ап1бан органар ва жара кьурулушар заан гьязурлугьвалин кьайдайиз адаьна. Гьайифки, коронавирussyдихьди бегьемди женг дубхну ккудубк1айиз, магьа гьамус «омикрон» штамм ачмиш дубхьна. Думу штаммди хьана артухъ агьалийр зегьерламиш ап1увал давам шула.

Саризра жиниб дар, 2019 – пи йисан дюн'яйизди ц1ийиди удубч1ву коронавирussy, хьа гьамус «омикрон» инфекцийихьди аьлакьалу вуди, духтрариз ляхниь гизаф гьагьиди алабхьура. Больницйирь, поликлиникайирь лихурайи медицинайин работникарт1ан савайи, думу инфекцийихьди женг гьабхуз гьуларь ерлешмиш духьнайи медицинайин ужагьарь

лихурайи медратникарра жалб дап1на. Дурари чпин участокдиь айи агьалийр думу вирусарихьди кет1ерцнаш, ашкар ап1бан ляхин жанлуди к1ули гьябхура.

Улихьна йигьари Цалак мягьялиь ерлешмиш дубхьна, ФАП – дин заведующий Айнаханум Мирзьягьмедовна Рашидовайихьди гьорюшмиш гьяхьунза ва дугькан, чав регьбервал туврайи участокдиь айи агьалийр коронавирussyдихьди «омикрондихьди» уьрхюз фицдар ульчйир кьабул ап1ураш, думу узрарихьди кет1ерцнаш кьадар фукьан вуш, думу вирусарихьди женг гьабхуз агьалийри кюмек ап1уруш, участокдин дахилнаь айи фукьан агьалийр вакцинация гьап1нуш, пуб ккун гьап1нийза. Дугьу гьамци гьапинийи:

- Медицинайин цирклиь 1982 – пи йисланмина лихураза. Йиз зегьметнан рякь ЦРБ – йин биц1дарин отделениейиь абхюну медресстради лихуз хьогьбалан ккебгьунза. Хьа 1986 – пи йисан, Цалак мягьялиь ФАП ачмиш гьап1ган, дидин заведующийди ли-

хуз хьогьюнза. Узу лихуз хьогью садпи йисари Цалак мягьялиь 60 хизанра бегьемди яшамш шуладайи, йиз участокдиь 150 – рилан зина агьалийр учетнаь айи. Гьамус Цалак мягьялиь яшамш шулайи 220 – дилан зина хизандиь 902 каст1ан артухъ а, гьадму гьисабнаан 580 кас абхюдар.

Аьхиримжи юкьуд йисан учук гьалабалугъ кйпайиб коронавирussy, хьа гьаму йисан гьамус тазади удубч1внайи «омикрон» инфекцийир ву. Дурар ихь арайиан дургуз гьитуз шуладар. Думу вирусари я жигьил, ясана кьабир к1урадар, яваш – явашди думу варидин урнархьна гьюра. Ягьч1вур йис му пишейинди лихури, мицдар чиркин узрар гьаркьондайуз.

Коронавирussy инфекцияйикан улхуруш, диди ич участокдиь яшамш шулайи агьалийрра гьирагьдиь гьитундар. Ич участокдиь думу инфекция кайи сарпи абзарлу 2020 – пи йисан 1 – пи апрели ашкар гьяхьну. Гьийин йигьаз вуйи улупбаринди, ич участокдиь коронавирussy инфекция кубч1ву 61 кас регистрация дап1нача, гьад-

му гьисабнаан 2 абзарлу кечмиш гьяхьну. Гьайифки, кьубреддира, Хючна ва Мягьячгьалайиь болницйирь сагъ ап1увалин ляхнар к1ули гьухнушра, дурар аьжаликкан ккадагьуз гьабхьундар. Коронавирussyдин абзарлу гьяхьдарин хулар антисептикарихьди тартиб гьап1унча. Му инфекцийин кьурхулудаликан гьаврикк ккауб метлеб вуди, ич участокдиь айи гьарсаб хулаз саб – швнуб ражари гьушунча. Думу инфекция кайидарихьна гьагьруган, алабхьру асас палат ва жара лазим вуйи антисептикар ачуз. Гьамусьятна ич участокдиь думу вирусарихьди кет1ерцнайи агьалийр адар, хьа температура за шули, дюдер уццури кет1ерцнайи биц1дарин кьадар артухъ дубхьна. Дурариз лазим вуйи кюмек туврача.

Саризра жиниб дар, аьхиримжи вахтна, му инфекцийихьан уьрхбан бадали, агьалийри вакцинация дап1ну ккунду к1уру гафар – ч1алар гьаммишан пишекрарин мелзнийн ал. Саспи агьалийри вакцинация дарап1уз вари жюрейин чарйир ишлетмиш ап1ура. (Аьхир 3-пи машнаь.)

## Образование

## Мялимарин хизандин кIул

Агъювалар тувбан тажруба жилин инсанят аьмалназ гьафихъан мина айиб ву. Гьаци вуйиган, мялимвалин пише варитIан кюгъне пишйирикан саб вуди гьисабра аIура. Сари тмунуриз, асас вуди тажрубалуири жигьилариз, чпи яшмиш шулайи девриь уьмур давам аIбан бадали чарасуз вуйи агъювалар дегъзаманйирилан мина тувради гьахъну. Думу ляхин, гьадмуганси, гьира мялимдин вазифа вуди гьубзна. Вари деврариь мялимди жигьил наслиз агъювалар, аькьюл, тербия, уьмриь дюз рякъ абгбаъ кюмек туври гьахъну. Йислан йисаз устадвал сакIал аIури, тербия ва агъювалар тувбан ляхин гьийин дережайиз удубIвну. Баяр-шубари мялимди киву дарсар, дугъан хасиятнан ва инсанвалин лишнар, дарсариь ва жара йигинжагъариь чпихъна гьабхъи янашмиш вал гьаргандиз юкIвариь урхюру. Артмиш шулайи насил ватандиз ва халкъдиз вафалуди тербияламиш аIуб, дурариз дерин агъювалар тувуб образованиеин цирклин улихъ дийибгънайи асас месэла ву.

Гьамцдар месэлийр гьал аIури, вафалу зегъмет зигурайи мялимар Табасаран райондиьра хайлинси а. Йиз гьийин макъалайин игит Пилгъарин къялан мектебдиь урус чIаланна литературайин дарсар киври 48 йисан мялимвал гьаIу Рамазанов Маллашябан Мягъямедович ву. Му касди чан вари гъанажагълу уьмур саб кеспназ – мялимвализ бахш гьаIну.

М. Рамазанов 1952-пи йисан Табасаран райондин Пилигъ гьулаъ бабкан гьахъну

-Узу 6-пи класс йиз багъри Пилгъарин мектебдиь ккудубIунза. Дидин къялахъ Шил'арин, Хюрккарин, Хючнаарин мектебарий урхури гьахъунза. Хючнаарин къялан мектеб ккудубIабалан къялахъ, ДГПИ-ийн гьязурлугвалин курснаъ урхуз учIвунза. Хъасин, хьадну йиз гьардшихъна Целинограддиз гьушур, Целинограддин Гьюкуматдин педагогвалин институтдин

филологияйин факультетдик урхуз кучIвунза. Думу ккудубIан (1974-пи йис) гьулаз гьафунза ва Пилгъарин къялан мектебдиь урус чIаланна литературайин дарсар кивуз хьогъюнза. Гьадрихъан мина 2020-пи йисазкъан узу йиз багъри мектебдиь гьилихунза, - гьапнийи Маллашябан Мягъямедовичди ич сюгъбатнаъ.

Узуна (гьаму макъалайин автор) М. Рамазанов Хюрккарин мектебдиь 8-пи класдиь сатIиди саб партайихъ дегъну урхури гьахъунча. Мектебдиьра мугъу ужури урхури гьахъну. Агъювалар гьадагъбахъна му жавабдарвалиинди янашмиш шуйи: хулаз туву табшуругъар тамам дараIди дарсариз гьюрдайи. Мялимарра тIалаблудар вуйи. Учуз йиз гьулажви Исмяил Ражабовичди урус чIаланна литературайин дарсар кивуйи. Думу аьхю устадвал айи ва тIалаблудар мялим вуйи. Гьадму мялимди М. Рамазановдин урус чIалнахъна вуйи ккунивал арайиз гьабхъну. Гьелбетда, ич имбу юлдшарра думуган урхувалихъна аьшкъ айидар вуйи.

Ич сюгъбатнаъ М. Рамазановди Хючнаарин къялан мектебдин мялим Паша Шюкюрочичра кIваин гьаIнийи, фицики дугъура мугъаз урус чIаланна литературайин дарсар кивну ва мялимвалин пишйихъна, урус чIалнахъна, литературайихъна ккунивал дугъхъанра гьафиб вуди гьабхъну.

-М. Рамазановди чан уьмрикан 48 йис жигьил наслиз агъювалар ва тербия тувувализ сарф гьаIну. Гьаму вахтна му чан гьарсаб дарснаъ чан ляхнин вази-фйирихъна гирами буржийихънаси янашмиш шули гьахъну. Дугъу чан дарсар жюрбежюр къайдйириинди тешкил аIури. Мектебдиь тешкил даIнайи методикайин объединениеин урус чIаланна литературайин ва табасаран чIаланна литературайин секциярин кIулиъ айир вуди, мугъу методика жигъатнаан жигьил пишекрариз гизаф кюмекар аIури. М. Рамазановди кми-кмиди чав методикайин секцияриь докладар ур-

хуйи, ачухъ дарсар тувуйи. Райондин образованиеин управленийи тешкил аIури методикайин секцияриь дугъу гизаф къадар методикайин докладар урхури шуйи. Дугъаз урус чIаланна литературайин методика ужури агъыйи ва дарсар маракълуди тешкил аIури. Гьаци вуйиган, дугъу дарс кивру баяр-шубарин агъювалар заан дережайиндар шуйи.

Мугъан хасиятнак сабсана маракълу лишан кайи – урхурайидарихъди сигъ аьлакьа уьбхювал, дурарихъди марци кIваан улхувал, баяр-шубариз чан юкIв тувувал. Ляхний му чахънара, юлдшарихънара урхурайидарихънара тIалаблуди янашмиш шлу мялим вуйи. Хасиятнан му лишнар урхбан ва тербияйин ляхний аьхю эгъемият айидар ву.

Му образованиеин цирклиъ гьагъюрайи дигишвалар, тербияйин важиблуд месэлийр гьал аIуба активн иштирак шуйи. Баяр-шубариз агъювалар тувбаъ мугъу цийи къайдйир агуйи. Мугъахъ урхури гьахъи баяр-шубар образованиеин управленийи тешкил аIури серенжмарий кми-кмиди иштирак шуйи ва приздин йишвар гьадагъуйи. 2018-пи йисан дугъан ученица Уьмарова Муминат Къазимьягъмедовнайи 11-пи класс гьизинди медализ ккудубIну, - гьапнийи ич сюгъбатнаъ Пилгъарин къялан мектебдин завуч Эмирбег Агъямедовди.

- М. Рамазановди хайлин йисари гьизигу зегъмет гьюкуматдин терефнаанра лишанлуд дараIди имдар. 2019-пи йисан «РФ-ийн къялан образованиеин мектебдин лайикьлу гьуллугъчи» гьюрматлу ччвур ва дидиз улихъна йисари швнуб-саб ражну мектебдин, райондин администрацияйин образованиеин управленийи терефнаан Гьюрматнан грамотийр тувну. Узуз мушвахъди сабсана эгъемиятлу гьагъикьатдикан пуз ккундузуз. М. Рамазановдин бай Тельман, ДГПУ-ийн филологияйин факультет ккудубIну, гьамус магъа 20 йис шула ич мектебдиь урус чIаланна литерату-

раин дарсар киври. Дугъан хтул Агъмад биологди, хтул риш Эльвира Мягъягъалайин мектебарикан сабди табасаран чIаланна литературайин дарсар киври лихура, хъа бицIинур хтул Перзиман Дербентдин педколледждиь урхура, дугъу чан баяр-шубарра, худларра мялимвалин ляхнийхъна аьшкъ ади вердиш гьаIну, гьамус думу мялимарин сихлин кIул духъна, - давам гьаIнийи чан сюгъбат Эмирбег Рамазановичди.

Мушвахъди сабсана гьагъикьат къайд дараIди гьибтуз хай шулдар. Дарсарихъан азад вахтна М. Рамазанов яратмиш аIбиинра машгул ву. Дугъу шиърар дикIуйи, «Табасарандин сес» газатдиь жюрбежюр месэлийриан макъалийр чап аIури, гьадму гьисабнаан мектебарий ЕГЭ кIули гьабхбан месэлийрианра. Сифте вахтари дугъу Дагъустандин лайикьлу артист Гюльназ Гьагъикьурбановайин мялийиригиз гафарра дикIури гьахъну. Думура мугъахъ урхури гьахъир ву. Гьамусаятна Маллашябан Мягъямедовичди «Пилигъ ва пилгъар, тарих ва гьийин девир» китабра урус чIалниинди чапдан адаIуз гьязур аIура. Думу китабдиан вуйи материалар улихъна йисари «Табасарандин сес» газатдин саб-швнуб нумрайиь чап гьаIну. М. Рамазанов, ужур мялимси, жямаятлугъ касра ву. Гьулан жямаятдиь кIули гьагъури жюрбежюр йигинжагъариь му гьарган активн иштирак шлу кас ву. Гьаци вуйиган, гьулан жямаятдиьхъанра, мялимарин ва урхурайидарин коллективарихъанра мугъаз аьхю гьюрмат а.

Багарихъди Маллашябан Мягъямедовичди чан 70 йис яш тамам хьувалин юбилей къайд аIуз гьязурлугар гьахура. Думу тебрик аIури, мюгъкам сагъвал, хизандиь хушбахтвал, яратмиш аIбан рякъюъ хъана аьхю хьуркъувалар, гележегдиьра мугъаз шадвалар айи йигъар артухъси хьуб ккун аIурхъа.

Гьагъимьягъмед  
Гьагъиев,  
Хюркк гьул.

## Гьулан мяишат

## Малдарвалин цирклира улихъна вуйи гамар алдагъура

Ихъ уьлкейиь малдарвалин цирклиъ лихурайидари аьхиримжи йисари ужудар натижийр улупура. Гьамусаятна ихъ уьлкейин мал – къарайи фермийриь къорд адаIура. Урусатдин гьулан мяишатдин Министерствойин улупбаринди, 2021 – 2022 – пи йисан мал – къарайиз тухъ къорд бадали, уьлкейин вари жюрейин мяишатарий 23 миллион тоннтIан артухъ аьлаф гьязур гьаIну, гьадму гьисабнаан 19,8 миллион тонн къуру аьлаф, 7,3 миллион тонн сенаж, 1,6 миллион тонн лембе ва 3,4 миллион тонн силос.

Ихъ республикайиьра гьарисан къордуз мал – къарайиз къуру аьлаф гьязур аIбан кампания заан дережайиь кIули

гьагъюру. 2021 – 2022 – пи йисан мал – къарайиз республикайиь вари сабиш'инди 1 миллионна 500 агъзур тонндилан зина къуру аьлаф гьязур гьаIну. Ихъ райондиь думу улупуб 56500 тонн укI, 1880 тонн лембе ву.

Малдарарин циркликан улхури пуз шулуки, ккудубшу йисан думу цирклиъ лихурайидари 32 миллион тонндилан зина (2020 – пи йисантIан 110 агъзур тонн артухъди) никк гьасил гьаIну. Ихъ республикайин малдарари 932,1 агъзур тонн никк гьасил гьаIну. Йикк гьасил аIуваликан улхуруш, уьлкейиь вари сабиш'инди 16 миллион тонндихъна малин ва къушарин йикк гьасил гьаIну.

Гьулан мяишатдин отдел.

Гьелелиг  
вирусар  
дерккуз  
шуладар...

(Эвел 2-пи машнаъ.)

Гьайифки, саспи агъалийр дидин гьавриь ахърадар. Магъа, узу шагъид вуза, ихъ гьуларий инсан кечмиш гьахъиган саламдиз, сумчриз фукъан инсанариз теклиф аIураш, агъалийр гьагъюрира ву. Думу серенжмарихъан хайлин инсанар зегъерлу духъну, сагъ аIувалин ляхнар кIули гьахуз хьогъру. Дицдар серенжмариз душну, гизаф инсанар саб йишв инна уч духъну ккундар кIуру гафар хайлиндариз ерхъуз ккундар. Натижайиь думу уьзриан чпи, инсанар, аьзиятнаъ ахъру. Серенжмарий иштирак хьувалтIан савайи, коронавирсдихъан учв уьрхбан къайдйирра кIваьлан гьахъну ккундар. Мисалназ, 20 секунддиьтIан цIиб дарди кми - кмиди сябнихъди хилар жикIну, узу знихъ къайд гьаIганси, учди инсанар гизаф хъайи йишварихъна багахъ даршули, джрикIу хилар машинак кудруркъди, маска алдарди чIатна удручIвди, хилар дисбиинди салам тутрувди, кми – кмиди хуларий ламун марцишин аIури ккунду.

Саб – къюб гаф агъалийр вакцинация аIуваликанра пидиза. Ихъ райондиь вакцина гьабхихъанмина, думу аIувал гьарсар касдин вазифаси гьисаб шула. Вакцинация ухъу, инсанар, ихъ сагъламвал бадали аIурайиь ву. Ухъу ихъ душмнар дархъа, аьхир. Ич участокдикан улхуруш, вакцина гьабхихъанмина агъалийригиз дидин хайирлуваликан ктибтури, вакцинация даIну ккуниваликан гафар – чIалар аIури гьахъунча. Гьаци, гьийин йигъаз ич участокдиь айи 517 касди (89 процент) вакцинация даIнайивал гьисаб шула. Гьеле ич участокдин дахилнаъ айи хайлин агъалийри, больницайиз душну, душваъ вакцинация даIнайидарра а. Дурар ич участокдиь вакцинация гьаIну кIури гьисабнаъ адар. Гьаци, гьисабнаъ адрудар ктарди, узу знихъ къайд даIнайи къадарну вакцинация даIнайич...

Йиз фикриан, коронавирс кубчIвну уцру дархъи кас, думу фукъан чиркин вирус вущ, гьавриь адар. Эгер коронавирс ихъ арайиз удубчIвну имбу садпи йисари думу вирусдиан живанар ва яшлуийр уцру шуйиш, пишекрарин гьисабаринди, гьаму йисан думу вирусдиан яшнак ккуркъайиз вуйи баяр – шубар гизаф уцру шула. Гьаци вуйиган, ихъ сагъламвал бадали ухъу вариди вакцинация даIну ккунду.

Угълангерек  
АБДУЛКЕРИМОВА,  
отделин редактор.

## Туризм- перспективное направление

В минувшие выходные в рамках информационного тура по Южному Дагестану Табасаранский район посетила делегация представителей туристических компаний республики.

Вояж был организован по инициативе администрации Табасаранского района с целью ознакомить фирмы, оказывающие услуги в индустрии путешествий, с условиями работы на территории района. Как рассказала руководитель группы Зульфия Курбанова, интерес к участию в поездке проявили представители 18 фирм, желающие расширить географию своей деятельности за счет организации туристических экскурсий на территории Табасаранского района.

Ковидные годы и связанные с ними ограничения значительно подняли внутренние туристические потоки. В каком-то смысле туризм- это новая нефть в плане доходов для экономики. Республику Дагестан в прошлом году, например, посетили более миллиона туристов, но при этом имеются значительные резервы для увеличения этой цифры



за счет потенциала Южного Дагестана. Одной из самых перспективных направлений является Табасаранский район.

По словам туроператоров, для полной реализации туристического потенциала необходимо выполнение ряда критериев. Это досягаемость экскурсионных объектов по дорожной сети, наличие отелей и гостевых

домиков, мастер-классов по традиционным ремеслам в этнодомах, доступность точек общепита, конечно же, исторических и природных достопримечательностей.

Гости посетили форты №56-57 оборонительной системы Даг-бары, Крепость семи братьев и одной сестры, Ханагский (Хучнинский) водопад и расположенные на его прилегаю-

щей территории заведения, деревянный мост у селения Гулли, культовые объекты, Ознакомились они и с условиями проживания в гостинично-развлекательных комплексах, а в краеведческом музее им был продемонстрирован мастер-класс по изготовлению изделий традиционного быта табасаранцев.

В рамках инфотура была

предусмотрена и встреча туроператоров с главой Табасаранского района Магомедом Курбановым. Представители туристической отрасли обсудили с главой района все аспекты ведения туристического бизнеса в районе. Это и дальнейшее развитие дорожной сети, перспективы государственно-частного партнерства при возведении гостевой инфраструктуры, качество мобильной связи, что немаловажно в эпоху доминирования онлайн-стримингов в соцсетях, и многое другое.

«У нас есть четкое понимание того, что туризм – это одно из самых перспективных направлений в экономике района, которое в потенциале обеспечит появление новых рабочих мест. В последние годы в значительной степени был решен вопрос транспортной доступности за счет развития дорожной сети, облагорожены территории у наиболее известных туристических объектов, работа в этом направлении будет продолжена», — сказал Магомед Курбанов.

А. ИСАЕВ.

Фото Н. РАГИМОВА.

## Он представлял ДГПУ

В Сочи на Федеральной территории «Сириус» с 8 по 10 декабря прошел Конгресс молодых ученых и церемония закрытия Года науки и технологий. Он стал ключевым событием Года науки и технологий. На Конгресс молодых ученых собрались около 3 тысяч представителей ведущих научных школ из разных регионов России, научных и образовательных организаций, органов власти, индустриальных партнеров, победители конкурсов и обладатели грантов, талантливые студенты и школьники.

На Конгрессе ДГПУ представлял аспирант 3 года обучения кафедры информационных технологий и коммуникационных технологий Везилов Катиб Талибович.

Катиб Талибович родился 21 января 1995 года в с. Арак Табасаранского района. Закончив Араксскую среднюю школу им. Г. Г. Гюльмагомедова, в 2012 г. поступил в Дагестанский Государственный Технический университет на факультет «Компьютерных технологий, вычислительной техники и энергетики» по направлению подготовки «Информатика и вычислительная техника». Окончил данное направление на «отлично». В 2016 г. поступил в Дагестанский Государственный Технический Университет, на факультет «Магистерской подготовки» по направлению «Ин-



форматика» и вычислительная техника», магистерская программа «Сети ЭВМ и телекоммуникации», которую в 2018 году окончил с «отличием». С 2019 г. является аспирантом 3-го года обучения Дагестанского Государственного Педагогического Университета. Является автором более 30 научных публикаций в различных всероссийских, международных научных сборниках.

С сентября 2016 г. по настоящее время работает на должности преподавателя и техника-программиста в Северо-Кавказском институте (филиал) ВГУЮ(РПА Минюста России) г. Махачкала.

Деловая программа включала круглые столы, сессии, панельные дискуссии, а также образовательные мероприятия по различным направлениям научно-исследовательской деятельности.

В последний день конгресса прошло пленарное

заседание с участием ещё большего количества выступающих. К спикерам присоединились Чернышенко Дмитрий Николаевич - заместитель Председателя Правительства РФ, Марченков Никита Владимирович - председатель Координационного совета по делам молодежи в научной и образовательной сферах Совета при Президенте РФ и Садовничий Виктор Антонович - ректор МГУ им. М.В. Ломоносова. Каждый из выступающих поблагодарил всех ученых за вклад в науку, рассказал свои секреты достижения успеха.

В завершении Конгресса молодых ученых состоялась церемония закрытия Года науки и технологий.

**М.А.СУРХАЕВ,**  
профессор, доктор наук, проректор по науке и цифровой информации.

На фото: Катиб Везилов во время прохождения конгресса.

## РЕШЕНИЕ № 01 от 28.01.2022 г Об избрании Главы сельского поселения «село Дарваг» Табасаранского района Республики Дагестан

Рассмотрев решение конкурсной комиссии по отбору кандидатур на должность главы сельского поселения «село Дарваг» Табасаранского района Республики Дагестан от 28.01.2022 г. № 10 «О представлении кандидатур на должность главы сельского поселения «село Дарваг» Табасаранского района Республики Дагестан на рассмотрение Собрания депутатов сельского поселения «село Дарваг» Табасаранского района Республики Дагестан, руководствуясь Федеральным Законом от 06.10.2003 г. № 131-ФЗ «Об общих принципах организации местного самоуправления в Российской Федерации», Уставом МО «село Дарваг» Табасаранского района Республики Дагестан, Собрание депутатов сельского поселения «село Дарваг» Табасаранского района решает:

1. Избрать Курбанова Айдина Улкеревича главой сельского поселения «село Дарваг» Табасаранского района Республики Дагестан с 28.01.2022 г. сроком на 5 лет.
2. Решение вступает в силу со дня его подписания.
3. Опубликовать данное решение на страницах районной газеты «Голос Табасарана».

Врио председателя Собрания депутатов  
сельского поселения «село Дарваг»  
Республики Дагестан  
Р. РАМАЗАНОВ.

## Решение №22 от 30.12.2021 г. О бюджете СП «сельсовет Джульджагский» Табасаранского района на 2022 год и на плановый период 2023 и 2024 годов

**Статья 1.** Утвердить бюджет СП «сельсовет Джульджагский» на 2022 год по расходам – в сумме 4199 тыс.руб., по доходам – в сумме 4199 тыс.руб.; на плановый период 2023 г. по расходам – в сумме 3417 тыс.руб., по доходам – в сумме 3417 тыс.руб.; на плановый период 2024 г. по расходам – в сумме 3426 тыс.руб., по доходам – в сумме 3426 тыс.руб.

**Статья 2.** Установить, что доходы местного бюджета, поступающие в 2022 году, формируются за счет доходов от уплаты федеральных, региональных и местных налогов и сборов по нормативам, установленным законодательными актами Российской Федерации, Республики Дагестан и настоящим решением:

- налога на доходы физических лиц – в размере 2 процентов

доходов;

- земельного налога – в размере 100 процентов доходов;
- налога на имущество физических лиц – в размере 100 процентов доходов;
- неналоговых доходов – в размере 100 процентов доходов;
- дотаций районного фонда финансовой поддержки;
- единого сельскохозяйственного налога;
- неналоговых доходов.

**Статья 3.** Настоящее решение вступает в силу с 1 января 2022 года.

**Статья 4.** Опубликовать настоящее решение в районной газете «Табасарандин сес».

Председатель сельского  
Собрания депутатов СП  
«сельсовет Джульджагский» М.Н. НУРАЛИЕВ.

## Туризмийн месэлийр гьял гьап1ну

(Эвел 1-пи машина.)

рариз табасаранарин яшайишди ишлетмиш а1ру шейэр гьазур а1бан мастер-класс улупну.

Информацияйин турин рамкийригди, туроператорарин вакилар Табасаран райондин Глава Мягьямед Кьурбановдихди гюрюшмиш гьахьну. Дурари райондиз туризмийн бизнес гьабхбан вари терефар гьял гьап1ну: жележгидь рякьярин сеть яркьу а1луб, хьлар кьабул а1бан инфраструктура яратмиш а1лруган государственна-хусуси уртахвал, мобильный аьлакьайин ери ва гизаф жарадар.

«Райондин экономикаий туризм жележг хьайи асас циркларикан саб хьбди. Диди гизаф рабочий йишварра яратмиш а1лиди. Аьхиримжи йисари райондиз рякьярин сеть хайлин ужу алап1ну, варит1ан мялум вуйи туризмийн объек-



тарин аьтрафар гьабалгну, думу терефнаан вуйи ляхин райондиз давам а1лиди»,

- гьап1ну Мягьямед Кьурбановди гюрюшмишдин вахтна.

Хусуси мялумат.  
**Н. РЯГЬИМОВДИ**  
гьиву шиклар.

## Аьгьяди ужу ву

Бегьемди ишлетмиш дарап1ди гьубзу гулдин гьадабт1у йишванк ччим кадатну гьибтиш, думу тазабси гьубзру, ва дидин дадлувалра дубгурдар.

Таматдин паста мершврахьан уьбхбан бадали, банкаийн гьапгьикан гьеебцу горица ктатуб лазим шулу.

Банкаийн имбу таматдин паста тазабси гьубзру, эгер дидик сац1иб кьил кабхьну, зийлан набататрин ччим

улубзиш.

Гал алди уьбхурайи картошка дут1рубк1бан бадали, дидик кьуб, шубуб лит1ан укусус кубзуб лазим шулу.

Никк ккаий шурпа дадлуди хьпан бадали, дюги, удар сифте штук дубхьну, хьасин уьцру никк ккубзуб ужу ву.

Гьурхьу муртгйир галихьан рягьягди марц а1лбан бадали, дурар урхьруган, ц1ибди кьил кабхьуб ужу ву.

Гьапагь алдарди уьбхурайи йигьгиан 20 процент витаминар дургру, хьа гьапагь иливну уьбхурайибдиан 5 процентт1ан артухь дарди.

Лимондикан артухь ширектап1бан бадали 5 дакьикьайи уьцру штук ккипну, хьасин кч1ибкьуб лазим шулу.

Эгер саб пай ишлетмиш дап1най лимон ебццус хьубгьнуш, думу мич1ли

штук ккипай. Думу тазабси хьбди.

Меъли жоре иставутар ишлетмиш а1лруган, дурарин тумар ч1ур мап1анай, уч дап1ну, ерццай. Иставутдикт1ан, тумарик хайирлу шейэр гизаф ка. Кьордну хурагнак дурар ишлетмиш а1луз шулу.

Хурагназ дурари дадлу т1яаьм тувру. Ицци ний хьайи жара тумарра гьаци ишлетмиш а1луз шулу.

(«Дагьустан дишагьли» журналиан).

## Хат1асузвал ухьканра асиллу ву

Гьийин вахтна инсандин уьмур автотранспорт адарди фикриь убшурдар. Дидин кьадарра, эгьемиятра йислан йисаз за шула. Амма, гьайифки, автотранспортди, ухьуз ужувлар, рягьятвалар хурайиси, кмикмиди пашманвалин дюшошарихьнара хура.

Ккудубшу йисан Табасаран райондиз ДТП-йирин 6 дюшош гьисабназ гьадагна, дурариь сар кас гьак1ну ва 8 касдиз зийнар гьахьну. Улхьан йисан тьялукь вахтна райондиз 5 ДТП гьахьнийи ва дурариь сар кас кечмиш, 7-риз зийнар гьахьну.

-Урсусатдин МВД-йин Табасаран райондин ОВД-йин ГИБДД-йин отдели рякьяриь автотранспортди гьаракат а1лбан хат1алу ва административ ихтиярар ч1ур а1лбан дюшошар дархьбан бадали хайлин ляхин гьубхну, - кьайд гьап1нийи ич сюгьбатнаь Урсусатдин МВД-йин Табасаран райондин ОВД-йин ГИБДД-йин отдели начальникдин вазифйир вахтназ вуди тамам а1лурайи полицияйин аьхюнур лейтенант Рьягман Мусаевди. - Гьаци вушра, КоАП-дин бязи т1алабар ч1ур а1лбан дюшошар улхьан йисандин тьялукь вахтнаг1ан артухь гьахьну. Сач тьялукь вахтна дицистар ихтиярар ч1ур а1лбан дюшошар 1582 гьисабназ гьадагь-



найиш, ухьан йисан тьялукь вахтна 850 вуйи. Дурарикан 1216 пч1у автотранспортдин, 76 автобусарин водителари гьап1дар ву. Административ ихтиярар ч1ур а1лбан дюшошариь асасдар гьамцдар ву: автомобиль хат1асузвалин ч1улар алдарди ишлетмиш а1луб (950) дюшош), автомобилдин шюшйир муч1у а1луб (47 дюшош), пассажирар гьахбан правилйир ч1ур а1луб (20 дюшош), водителин удостоверение хьтарди автотранспорт хьап1уб (7 дюшош), автотранспорт гьаншар полосайиинна алдап1уб (54 дюшош), ОСАГО-йин т1алабар тамам дарап1уб ва гь.ж.

Рьягман Мусаевди гьаппиганси, административ ихтиярар ч1ур а1лбан гьакьнаан ккудубшу йисан 1762400 манат кьадарнаьди журумдин 1533 кьарар адагьну, дурарикан 649750

манат кьадарнаьди журумдин 1031 кьарар ГИБДД-йиь тамам гьап1ну. Суддиз 50 материал хьтаьну, дурарикан суд 32-диз гьилигну, натижайиь 6 кас транспортдин такьатар ишлетмиш а1лбаз ихтиярнахь вахтназ вуди мягьрум гьап1ну, 20-касдин журум гьап1ну, 2 кас дустагь (арестовать) гьап1ну.

Кьайд дап1ну ккундуки, улупнайи вахтна РФ-йин МВД-йин Табасаран райондин ОВД-йин ГИБДД-йин отдели юкьуб тахсиркарвал ашкар гьап1ну, дурарикан саб-ОМВД-йин жара отделарихьди саг1иди.

«Табасаран район» МР-йи райондин ГИБДД-йи 480 километр рякьяриь гьуллугь гьабхура. Гьадму (150 километр асфальт улубзнайидар), гьисабнаан 120 километр рякьяр республикайин эгьемиятдин 88 км ерли эгьемиятдин ву.

Гьацира райондин ругарин 7 рукьанна-бетондин гьяд ерлешмиш духьна. Дурариз «Дагестанавтотор» ГУ-йи гьуллугь а1лурар. Рякьярин ва рякьярихьди аьлакьалу жара тикилишарин гьал ужу алап1бахьди аьлакьалуди, ГИБДД-йин отдели саб ахтармишвал к1ули гьубхну, яни 12 километр рякьяриз гьилигну. Натижайиь юридический ва гьуллугьнаь аийи ксариз предписание хьтап1ну. Январь вазли аьлава вуди рякьярихь 3 лишан дивну, райцентриь шилди гьарудар рякьлан улдуч1вру бязи йишварихь разметкйир дивну, УДС-ди бязи кючйириь ич1ар духьнайи йишвар рас гьап1ну.

Рякьяриь хат1асузвал тьямин а1луб ва рякьяриь гьаракат а1лбан тешкиллувал ужу алап1уб метлебниинди, райондин ГИБДД-йи райондин администрацияйин главайиз рякьярихь дивру 35 лишан ц1ийи алаьну ясана ц1ийиди дивбан гьакьнаан кагьаз хьтап1ну. Административ ихтиярар ч1ур а1лбан гьакьнаан гьуллугьнаь аийи кьор касдинна протокол ац1ну.

«РФ-йин МВД-йин Табасаран райондиз аийи ОВД-йин ГИБДД-йин хусуси составдиз 3 кас а. Дурарин пишекарвалин дережа за а1лбийн гьарган ляхин гьабхурача, - гьапнийи

## Зарафтар

- Уву гьаз разиди ава?  
- Сппарин духтрихьна гьушунза.  
- Хьа? Рази хьуз фу ляхин а?  
- Думу адайи.  
\*\*\*

Кьор гьунши дишагьлийи гафар а1лурар:

- Яв жилири папрус зигурин?

- Ав, лап гизаф, думу ляхни гьалабалугь кипразук.

- Хьа йиз жилири лап ужуб хураг гьап1хьанг1ан зигурдар.

-Дици хай шул. Йискьубаь кьуб, шубуб папруси зарар тутрувур.  
\*\*\*

Фуну гьайванат фикирлуду ву – гату, даршсана ху?

- Гьелбетда, гату! Увуз сабанкьана гьабкьонвуз, тундрайиь йиц1уб гатди гьагьар ивнайи мярхяр хьч1юрхюри?  
\*\*\*

- Эгер вечер йиз шьрар урхуз бахш дап1найиб вуш, программайиь гьаз ялхьвнар а?

-Адмийиринра гьавриь йихь. Дурарра рази ктаьну ккундарин?  
\*\*\*

Штукк ккабхьрайи гимийин капитанди экипаждихьан гьерхру:

- Ичв арайиь гьудган аплуз аьгьюр айин?


- Увуз аьгьязуз, аьхюр.

- Лап ужу шул! Дици вуш, уву гьудган аплуз хьюгь, хьа имбудари хат1асузвалин жилетар алахьри. Ихь гьацира саб жилет гьубк1радарихь.

Рьягман Мусаевди.- гьадму метлебниинди, месела, 2021-пи йисан, «Перехват» пландиз асас, кьуб ражари тренировкйир к1ули гьухунча. Оператив серенжемар к1ули гьахруган, асас фикир рякьяриь гьаракат а1лбан хат1асузвал тьямин а1лбаз туврача. Гьаддихьди сабси, транспортдин такьатариь яракь, т1урк1ру шейэр гьахуз мумкинвал аийи жини йишвар тешкил дап1ну аш-адарш, ижмишнаан ахтармиш а1лур шулча. Аьхю фикир гьацира государственнойн номерар ктру, шюшйир муч1у дап1найи ва гьаци жара автотранспортдиз туври шулча. Думут1анна савайи, республикайиь гьахури шулу оперативнойна-профклактикайин вари серенжемарийи иштирак шулча. Гьадму гьисабнаан «Пиянди аийи водитель», «Хат1асуз хьтипуь», «Хат1асузвалин ч1ул», «Хат1асузвалин гьяфта», «Тонировка» ва гь.ж.

Ав, ухьуз гьарсариз рякьую гьаракат а1лбан кьайдйир, нормйир, правилйир тамам а1лбан рякьую айидарин сагьвал, уьмур асиллу вуйиб аьгьяхьуз. Гьаддиз дурар сабни нубатнаь ухьу, рякьяриь гьаракат а1лбан иштиракчйири, тамам а1лну ккунду.

**Аьбдулмажид Рашидов.**  
Шиклий: ихтиярсузвалин натижа.



## «Блокадаин уьл» акция к1ули гьубшну

(Эвел 1-пи машнаь.)

Ленинграддин блокада 872 йигъан давам гьабхъну. Му цифрайихъ блокадаинъ гьабхъдин уьмрин аьхю читинвалар дийигъна. Жюрбежюр гьисабариинди, шагъриь 692 агъзурилан 1,5 миллиондихъна инсанар гьийихну. Дуракан аьхюну пай гаш'валиан гьак1ну. Закуриз айи умуд анжах саб вуйи – уьлин паск.

Ленинграддин блокада, шикла-

рикси, дявдикан вуйи китабарикси ва мектебарин учебникарикси, ленинградлуйирин фикриьра гьубшну: гизафдари блокадаин уьлин къац1 думу вахтарин читинвалар к1ваин а1ру лишанси уьбхюра.

Уьлкейин жара йишварисси, ихъ райондиь к1ули гьубшу акци-



йийиьра тешкилатчйири агьалйириз ленинградлуйирин гьунаракан ктибтну, думу гьядисйирин лишан вуди 125 грамм айи уьлин ч1уклар, Ленинграддин мялуматар кайи листовкйир тувну.

Абдулмажид РАШИДОВ.

Шиклиь: «блокадаин уьл» туври.

Утеранный аттестат об общем среднем образовании за номером А №4085727, выданный Дюбекской СОШ на имя Ахмедханова Эльмана Абдурахмановича, считать недействительным.

### Объявление

МО СП «сельсовет Дюбекский» объявляет торги на выделение земельного участка с кадастровым номером 05:17:000000:564 площадью 50 га пастбища в с. Хустиль сроком на три года в аренду, а также в с. Дюбек 6 га на участке «Арншай-Арафа» в аренду сроком на 49 лет для посадки многолетних насаждений.

Торги состоятся в здании администрации с Дюбек 3 марта 2022 года.


Глава МО СП «Сельсовет Дюбекский» И.Г. ГАДЖИЕВ.

Шил'арин къялан мектебдин мялимарин, техработникарин ва урхурайидарин коллективди, душваь мялимди лихурайи Риза Агъаризаевдин имийин бай

### Руслан

вахтсузди кечмиш хьувал дерин пашманвалиинди мялум а1бахъди сабси, дугъаз, дугъан хизандиз ва багахълуйириз башсагълугъвал ккун а1рура.


### Ответы на скан. в № 4.



### Спорт

## Магълуб даршлу спортсмен

Январин 28-ди Чечен Республикайин Грозный шагъриь АСА 135 турнирин рамкйириьди Урусатдин спортсмен Рустам Керимовдинна Чечен Республикайин спортсмен Абдул-Рягъман Дудаевдин арайиь гьизгъин женг к1ули гьубшну. Судийирин гафсабвалиинди душваь Рустам Керимовди гьалибвал гьаб-



занмиш гьап1ну. Керимов чав иштирак гьабхи женгарийь 16 ражари гьалиб гьабхъну, саб ражнукъана магълуб гьабхъндар. Мугъабхди жюрбежюр турнирарийь талитназ удуч1ву спортсменарра машгур спортсменар ву.

Рустам Керимов Дербент шагъриь бабкан гьабхъну, хъа мугъан абийр-бабар ихъ райондин Ккувлигъ гьул'ан ву. Дербент шагърин 15-пи нумрайин къялан мектеб, дидин къялахъ Ростов шагъриь государственной экономикайин университет ккудубк1ну. Урусатдин спортдин мастер, Европайин ва дюнъийин чем-

пион ву. Мугъан сарпи тренер шубуб ражари дюнъийин чемпион Назим Абасов ву.

Рустам Керимовди, багъри Табасаран райондиь к1ули гьабхъру спортдин серенжемарийь жигъил спортсменарихъди кми-кмиди гюрюшмиш шули, хайлин насыгъатар туври, спортдин мянфяьтлуваликан ктибтури шулу.

Ихъ ватанагълийиз, нубатнан хьуркьуваларихъди тебрик а1рури, спортдин хъана заан к1аклар мют1югъ хьуб ккун а1рухъа.

Фарзилат РАЖАБОВА.

### Решение №26 от 29.12.2021 г.

О бюджете СП «сельсовет Халагский» Табасаранского района на 2022 год и на плановый период 2023 и 2024 годов

**Статья 1.** Утвердить бюджет СП «сельсовет Халагский» на 2022 год по расходам – в сумме 2528 тыс.руб., по доходам – в сумме 2528 тыс.руб.; на плановый период 2023 г. по расходам – в сумме 2046 тыс.руб., по доходам – в сумме 2046 тыс.руб.; на плановый период 2024 г. по расходам – в сумме 2049 тыс.руб., по доходам – в сумме 2049 тыс.руб.

**Статья 2.** Установить, что доходы местного бюджета, поступающие в 2022 году, формируются за счет доходов от уплаты федеральных, региональных и местных налогов и сборов по нормативам, установленным законодательными актами Российской Федерации, Республики Дагестан и настоящим решением:

- налога на доходы физических лиц – в размере 2 процентов доходов;
- земельного налога – в размере 100 процентов доходов;
- налога на имущество физических лиц – в размере 100 процентов доходов;
- неналоговых доходов – в размере 100 процентов доходов;
- дотаций районного фонда финансовой поддержки.

**Статья 3.** Настоящее решение вступает в силу с 1 января 2022 года.

**Статья 4.** Опубликовать настоящее решение в районной газете «Табасарандин сес».

Председатель сельского Собрания депутатов СП «сельсовет Халагский» М.Г. МИРЗАЕВ.

Шил'арин къялан мектебдин мялимарин, техработникарин ва урхурайидарин коллективди, душваь мялимди лихурайи Агъамурад Ражабовдин гьардаш

### Гьажимурад

кечмиш хьувал дерин пашманвалиинди мялум а1бахъди сабси, дугъаз, дугъан хизандиз ва багахълуйириз башсагълугъвал ккун а1рура.

Шил'арин къялан мектебдин мялимарин, техработникарин ва урхурайидарин коллективди, душваь мялимди лихурайи Ражаб Аьлиевдин дада

### Къаяханум

кечмиш хьувал дерин пашманвалиинди мялум а1бахъди сабси, дугъаз, дугъан хизандиз ва багахълуйириз башсагълугъвал ккун а1рура.

Учредитель:  
Администрация МР  
«Табасаранский район».

Главный редактор  
И.М. Яралиев.  
Табасаранский язык.

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов. Рукописи не рецензируются и не возвращаются.

Газета зарегистрирована Управлением Федеральной службы по надзору в сфере связи и массовых коммуникаций по РД от 12.12.2008 г  
Регистрационный номер:  
ПИ № ФС 05-0013.  
Цена - 8 руб.

ИНДЕКС-51375.  
Адрес редакции и издателя:  
368650.РД, Табасаранский район, с.Хучни, «Редакция газеты «Табасарандин сес» («Голос Табасарана»)  
Срок подписания в печать по графику - 17.00  
Подписано в печать - 17.00

Телефон:  
Главного редактора -  
8-967-390-76-85.

Адрес электронной почты:  
golostab@mail.ru

Газета набрана и сверстана на базе компьютерной техники МБУ «Редакция газеты «Табасарандин сес» и отпечатана в ООО «Типография -М» 368600, г.Дербент, ул.С.Курбанова, 25.  
По всем вопросам качества печати обращаться в типографию  
Тираж 2526  
Заказ №